



**DEWAN PERS
REPUBLIK INDONESIA**



**CONSELHO DE IMPRENSA
TIMOR-LESTE**

NOTA ENTENDIMENTU

ENTRE

DEWAN PERS REPUBLIKA INDONESIA

HO

CONSELHO DE IMPRENSA DE TIMOR-LESTE

NÚMERU: 02/DP/MoU/VIII/2016

NÚMERU: 01/CI/ME/VIII/2016

**KONA-BA PROMOSAUN LIBERDADE IMPRENSA LIUHOSI FORTALESIMENTU
INSTITUSIONAL NO DEZENVOLVEMENTU POLITIKA**

Iha loron ne'e, Segunda-Feira, loron 29 fulan Agostu tinan rihun rua sanulu resin nen, iha Edifisiu Dewan Pers Republik Indonesia, andar 7-8, Rua Kebon Sirih Nú. 32-34, Jakarta Central, Indonesia, ami ne'ebé mak asina tuir mai:

1. Ketua Dewan Pers Republik Indonesia, **Yosep Adi Prasetyo**, iha parte ida ne'e hodi naran **Dewan Pers Republik Indonesia** ho enderesu iha Edifisiu Dewan Pers Republik Indonesia, andar 7-8, Jl. Kebon Sirih Nú. 32-34, Jakarta Central, Indonesia, no tuir mai hanesan **PARTE DAHULUK**;
2. Presidente Conselho de Imprensa de Timor-Leste, **Virgilio da Silva Guterres**, iha parte ida ne'e hodi naran **Conselho de Imprensa de Timor-Leste** ho enderesu Avenida Bispo de Medeiros, Quintal Boot, Dili, Timor-Leste, tuir mai hanesan **PARTE DARUAK**.

PARTE DAHULUK no **PARTE DARUAK**, ne'ebé tuir mai sei bolu nudar **PARTE SIRA**, uluk liu sei esklarese pontus sira tuir mai:

- a. Katak, **PARTE DAHULUK** nudar Instituisaun Independente ho funsaun atu dezemvolve Liberdade Imprensa, hadiak impresa nasional nia moris, fo balansiu no esforsu atu resolve reklamasau hosi sosiedade ba kazu sira ne'ebé iha relasan ho publikasaun imprensa tuir Lei Número 40, tinan 1999 kona-ba Imprensa (*Lembaran Negara Republik Indonesia tinan 1999 Numeru 166, Tambahan Lembaran Negara Republik Indonesia Nomor 3887*);

Virgilio
[Signature]

- b. Katak **PARTE DARUAK** nudar instituisaun independente ho funsaun atu promove Liberdade Imprensa tuir Lei Komunikaun Sosial, Timor-Leste, Númeru 5/2014, artigu 44; (*Jornal da Republica, Série I, No: 39, 19 de Novembro de 2014*)
- c. Katak **PARTE SIRA** iha espiritu hanesan atu haburas liberdade imprensa liuhosi fortaleimentu institusional no dezenvolvimentu politika;
- d. Katak **PARTE SIRA** idaidak iha kapasidade atu fo tulun ba konseitu entendimentu ida ne'ebé fo benefisiu ba malu hodi haburas liberdade imprensa liuhosi fortaleimentu institusional no dezenvolvimentu politika;

Bazeia ba pontu sira iha leten, **PARTE SIRA**, aseita atu halo, asina no hala'o Nota Entendimentu kona-ba **Promosaun Liberdade Imprensa liuhosi fortaleimentu Institusional no Dezenvolvimentu Politika**, ne'ebé tuir mai temin deit Nota Entendimentu, ho nia rekezipu sira tuir mai:

Artigu 1

INTENSAUN NO OBJETIVU

- (1) Nota Entendimentu ida ne'e halo ho intensaun atu utilize rekursu hosi **PARTE SIRA** hodi promove liberdade imprensa liuhosi fortaleimentu institusional no dezenvolvimentu politika;
- (2) Nota Entendimentu ida ne'e halo ho objetivu atu asegura kooperasaun ne'ebé metin ho konsiderasaun ba karakter ne'ebe diferente no kompleta malu hosi mandatu no responsabilidade **PARTE SIRA**;

Artigu 2

ÁMBITU

Ámbitu hosi Nota Entendimentu ida ne'e:

- 1. Fortalesimentu Institusional ne'ebé kobre:
 - a. Edukasaun, Formasaun, Estajiu no interkambiu Jornalistiku
 - b. Promosaun Liberdade Imprensa
 - c. Dezenvolve programa conjunta hanesan Seminariu, Kolokiu, Peskiza no Publikasaun.
- 2. Estabelese Regulamentu kona-ba Imprensa;
- 3. Dezenvolve politika media no monitorizasaun programa publikasaun kobertura
- 4. Atividades seluk tuir kna'ar prinsipal no funsaun **PARTE SIRA**.

Artigu 3

IMPLEMENTASAUN

- (1) Implementasaun Nota Entendimentu ida ne'e teknikamente sei regula iha Akordu kooperaun ketak entre unidade teknika ne'ebé decide hosi **PARTE SIRA**, ho kaer ba Nota Entendimentu ida ne'e.
- (2) Akordu Kooperaun ne'ebé temin iha pontu (1) nudar parte ida ne'ebe la bele fahe hosi Nota Entendimentu ida ne'e.

Artigu 4

FINANSIAMENTU

Nesiedade finanseira hothotu ba implementasaun Nota Entendimentu ida ne'e sei sai nudar kustu no responsabilidade **PARTE SIRA** no/eh fontes finasiamentu sira seluk ne'ebé legal liuhosi formulaun teknika, proposta no akordu hamutuk.

Artigu 5

PERIUDU

- (1) Nota Entendimentu ne'e validu durante tinan 5 (lima) hahu hosi loron ne'ebé **PARTE SIRA** asina no bele hanaruk, muda, hafoun, eh hakotu ho akordu eskrita hosi **PARTE SIRA**.
- (2) Ajustamentu no/eh mudansa ba Nota Entendimentu ida ne'e halo ho fo atensaun nafatin ba pontus no prinsipiu sira ne'ebé konkorda tiha ona entre **PARTE SIRA**.
- (3) Se Parte ida hakarak atu muda, hanaruk no/eh hakotu Nota Entendimentu ida ne'e, Parte refere iha obrigasaun atu fo hatene tarde liu fulan 3 (tolu) antes.

Artigu 6

MONITORIZASAUN NO AVALIASAUN

Monitorizasaun no Avaliasaun ba Nota Entendimentu ida ne'e hala'o periodikamente hosi **PARTE SIRA** minimu dala 1 (ida) iha tinan 1 (ida) nia la'aran no/eh bainhira nesesariu.

Artigu 7

DISPOZISAUN SELUK

- (1) Disposizaun sira seluk ne'ebé seidauk regula no/eh seidauk regula natoon iha Nota Entendimentu ida ne'e sei regula liuhosi akordu entre **PARTE SIRA** ne'ebé sei hakerek iha mudansa (*addendum*) ida ne'ebé sai nudar parte integral hosi Nota Entendimentu ida ne'e.
- (2) Nota Entendimentu ne'e sei la hamenus kn'ar, funsaun no responsabilidade **PARTE SIRA** nian.
- (3) Nota Entendimentu ida ne'e remata eh nulo tuir Lei bainhira iha legislasaun eh Politika Goveru **PARTE SIRA** ne'ebé la fo dalan ba implementasaun Nota Entendimentu ida ne'e.


Pasal 8

TAKA

Nota Entendimentu ne'e halo iha kopia 2 (dua) iha Lian Indonesia ho Lian Tetum no asina hosi **PARTE SIRA** no mos sai baze legal no kesi **PARTE SIRA**.

Jakarta, 29 Agostu 2016

**PARTE DAHULUK,
KETUA DEWAN PERS
REPUBLIKA INDONESIA**


YOSEP ADI PRASETYO


**PARTE DARUAK,
PRESIDENTE CONSELHO DE
IMPrensa
DE TIMOR-LESTE**


VIRGILIO DA SILVA GUTERRES
